

Paul Rosenmuller di Groenlinks den charla na Universidad:

"ACUERDO DI FOL TA PONE REINO HULANDES NA RIEZGO"

ORANJESTAD(AAN): -- Lider di fraccion di GroenLinks Paul Rosenmuller a bisa ayeranochi den un charla na Universidad di Aruba (UA) cu su partido ta para hopi critico dilanti e Tratado

di FOL (Forward Operating Locations) cu a wordo cera na comienzo di aña pasa entre Reino Hulandes y Merca y cu lo mester wordo huzga definitivamente pa e tres Par-

lamentonan di Reino dentro di corto.

E Tratado aki ta encera cu a pone facilidadnan na aeropuertonan di Aruba y Curacao na disposicion di Merca pa combatimento di droga loke segun señor Rosenmuller ta habri e posibilidad pa Merca bula riba territorio di paisnan productor di droga (manera Colombia).

Señor Rosenmuller a bisa cu e Tratado ta nifica cu Reino Hulandes por core riezgo pa wordo involvi directa- o indirectamente den guerra interno y den violacion di derechonan humano riba escala grandi y cu e por alavez perhudica e proceso di paz na Colombia.

GroenLinks ta pleita pa cambia e Acuerdo cu Merca y cu su charla na UA, lider di GroenLinks kier kibra e silencio politico cu ta reina tocante e topico aki, aunke varios organizacionnan den comunidad manera Amnesty International y Artsen zonder Grenzen (cu a gana Premio

Nobel pa Paz) a opina sumamente critico caba encunto di dje.

Mescos cu e NGO'nan Colombiano (cu Hulanda ta sostene) cualnan tambe ta boga pa un otro rumbo.

GroenLinks ta sostene e actividadnan existente y acuerdonan di cooperacion pa intercepta transportenan di droga (manera Coastguard) como cu nan ta dirigi riba e areanan cu ta pertenece na Reino Hulandes y na awanan internacional.

Cu e Tratado aki Hulanda ta dreña un caminda nobo y riezgoso sinembargo mientras cu ta alavez bastante straño cu Hulanda ta rechasa e aporte militar cu Merca ta duna Colombia via e tan critica "Plan Colombia" pero na mes momento ta duna espacio na Merca pa ehecuta e plan aki via FOL.

Segun señor Rosenmuller, prome cu hende sa Reino Hulandes lo bira manera un extension di Merca cu den su "War on Drugs" poco exitoso a scoge un otro manera

pa combati droga y e kier pa cambia e Tratado di FOL riba e siguiente puntonan:

*Garantia cu vuelonan desde Aruba y Curacao lo keda limita na area di Reino y awanan territorial internacional. Esaki lo garantiza cu lo no tin conflictonan interno.

*Seguranza cu esfuertonan ta dirigi riba combati transporte di droga y no actividadnan di guerrilla, tambe pa preveni conflicto internacional.

*Control berdadero y completo di actividadnan Mericano.

*Limitacion riba inmunidad penal y civil cu militarnan y nan famianan ta gosa (tambe despues di nan ehecucion di funcion) di dje na Aruba y Curacao.

Si no ta existi e deseo pa cambia e Tratado, asina señor Rosenmuller ta bisa, por solamente rechase como cu e limitenan di FOL ta mucho mas grandi cu e ventananan economico cu e ta trece cu ne.

Idea pa gana mas placa den caso no por bira derecho di autor

Juez a rechaza demanda di compania tocante aparato cu ta ser usa den Casino

ORANJESTAD(AAN) -- Ayeramainta Corte den Promer Instancia a dicta sentencia den un caso tocante un aparato "Progressive bonus optic system" cu Inceptive Corporation a demanda contra Shuffle Master Inc.

Ta asina cu Inceptive Corporation cu tin e "Progressive bonus optic system" registra na Aruba, ta demanda Shuffle Master Inc. di a viola e derecho di autor y ta huur e aparato instala riba mesa cu casino aki na Aruba.

Inceptive Corporation cu ta estableci na Curaçao a worde representa pa abogado mr. Elens mientras cu Shuffle Master Inc. estableci na Merca a worde representa pa abogado mr. Carlo.

Interesante di e caso aki tabata cu durante tratamiento di e caso, Juez a dicidi di bay na un casino hunto cu e partidonan pa mira con e aparato aki ta funciona. Ta asina cu Inceptive Corporation a demanda mas cu 500 mil Florin contra Shuffle Master Inc.

Juez mr. de Bruin den su evaluacion a splica cu e derecho di autor bo no ta haya solamente door di registra un producto.

Juez a mostra cu un producto ta worde considera un obra ora cu ta trata di algo cu a ser haci di propio idea y ta carga e stempel di diseñador.

E "Progressive bonus optic system" Juez ta considera un idea cu a bin cune den casino pa asina crea mas chens pa hende por gana. Ta asina cu e "progressive bonus optic system" ta worde usa pa hopi tempo caba riba "slotmachines". E idea pa instala esaki riba mesanan di wegá pa crea mas chens pa gana placa ta muestra algo propio. Sinembargo ideanan no ta bin na

remarque pa derecho di autor. Esaki ta trece cune cu e producto "progressive bonus optic system" no por worde mira otro cu un aparato electronico na mesanan di wegá. Un cuestion tecnico asina no ta un obra y no ta bin na remarca pa haya proteccion di derecho di autor.

Juez su decision ta cu e ta rechaza e demanda di Inceptive y ta ordena Inceptiva pa paga 1500 Florin na Shuffle Master como salario di abogado.

BUSJE KOMT ZO!!

